

緇門警訓卷第七

芙蓉楷禪師小參

我七

夫出家者爲厭塵勞求脫生死休心息念斷
絕攀緣故名出家豈可以等閑利養埋沒平
生直須兩頭撒開中間放下遇聲遇色如石

我七

上栽花見利見名如眼中着屑况從無始以
來不是不曾經歷又不是不知次第不過翻
頭作尾止於如此何須苦苦貪戀如今不歇
更待何時所以先聖教人只要盡却今時能
盡今時更有何事若得心中無事佛祖猶是

寃家一切世事自然冷淡方始邦邊相應你
不見隱山至死不肯見人趙州至死不肯告
人匱檐拾橡栗爲食大梅以荷葉爲衣紙衣
道者只披紙玄泰上座只着布石霜置枯木
堂與人坐卧只要死了你心投子使人辦米

同煮共餐要得省取你事且從上諸聖有如
此榜樣若無長處如何甘得諸仁者若也於
斯體究的不虧人若也不肯承當向後身恐
費力山僧行業無取忝主山門豈可坐費常
住頓忘先聖付囑今者輒數古人爲住持體

例與諸人議定更不下山不赴齋不發化主
唯將本院莊課一歲所得均作三百六十分
日取一分用之更不隨人添減可以備飯則
作飯作飯不足則作粥作粥不足則作米湯
新到相見茶湯而已更不煎點惟置一茶堂

自去取用務要省緣專一辦道又況活計具
足風景不疎花解咲鳥能啼木馬長鳴石牛
善走天外之青山寡色耳畔之流水無聲嶺
上猿啼露顯中宵之月林間鶴唳風回清曉
之松春風起而枯木龍吟秋葉飄而寒林華

發玉階鋪苔蘚之紋人面帶煙霞之色音塵寂爾消息沉然一味蕭條無可輒向山僧今

日向諸人面前說家門已是不著便豈可更去陞堂入室拈槌堅拂東呵西棒張眉努目如癇病發相似不惟屈枕上座況亦孤負先

我七

二

聖你不見達磨西來少室山下面壁九年二祖至於立雪斷臂可謂受盡艱辛然而達磨不曾措了一辭二祖不曾問着一句還喚達磨作不爲人得磨二祖做不求師得麼山僧每至說着古聖做處便覺無他容身慚愧後人軟弱又况百味珍羞遞相供養道我四事具足方可發心只恐做手脚不迭便是隔生隔世去也時光似箭深爲可惜雖然如是更在諸人從長相度山僧也強教你不得諸仁者還見古人偈麼山田脫粟飯野菜淡黃鑿

喫則從君喫不喫任東西伏惟同道各自努力珍重

黃蘖禪師示衆

預前若打不徹臘月三十夜到来管取你熱副有般外道纔見人說做工夫他便冷咁猶

有者箇在我且問你忽然臨命終時你將何抵敵生死你且思量看却有箇道理那得天生彌勒自然釋迦有一般閑神野鬼纔見人有些少病便與他人說你只放下著及至到他有病又却理會不下手忙腳亂爭柰你肉

我七

三

如利刀碎割做主宰不得萬般事須是閑時辨得下忙時得用多少省力休待臨渴掘井做手脚不辨者場狼藉如何迴避前路黑暗信采胡鑽亂撞苦哉苦哉平日只學口頭三昧說禪說道呵佛罵祖到者裏都用不著平

日只管瞞人爭知道今日自瞞了也阿鼻地
獄中决定放你不得而今末法將沉全仗有
力量兄弟家負荷續佛慧命莫令斷絕今時
纔有一箇半箇行脚只去觀山觀景不知光
陰能有幾何一息不回便是來生未知甚麼

頭面嗚呼勸你兄弟家趁色力康健時討取
箇分曉處不被人瞞底一段大事者些關捩
子甚是容易自是你不肯去下死志做工夫
只管道難了又難好教你知那得樹上自生
底木杓你也須自去做箇轉變始得若是箇
丈夫漢看箇公案僧問趙州狗子還有佛性
也無州云無但去二六時中看箇無字畫參
夜參行住坐卧着衣喫飯處阿屎放尿處心
心相顧猛着精彩守箇無字日久月深打成
一片忽然心花頓發悟佛祖之機便不被天

下老和尚舌頭瞞便會開大口達磨西來無
風起浪世尊拈花一場敗闕到者裡說甚麼
閻羅老子千聖尚柰你何不信道直有者
般奇特爲甚如此事怕有心人頌曰

塵勞迥脫事非常謹把繩頭做一場不是一

番寒徹骨爭得梅花撲鼻香

徐學老勸童行勤學文

玉不琢不成器人不學不知道出家兒幸得
身離塵網居於廣堂大廈切不可以溫飽自
滿其志少壯之時不勤學問不究義理不正

我七

四

呼吸對聖前如何可以宣白士大夫前如何
可以談吐不學一筆字文疏如何寫士大夫
往來書只如何回出家人胷中貫古今筆下
起雲煙方可了身了性以至於了命若自懶
惰託言所稟無受道之資是自壞了一生也

且如猿猴獸類也尚可教以藝解鵠鴟禽鳥也尚可教以唱人爲萬物之靈如不學視禽獸之不若也爲人師者自當尚嚴師嚴而後道尊與其初年失於寬而招異時之怨不若過於嚴招異時之惑人家子弟捨父事師

師却不嚴而縱其懶及其時過失學也談吐又訥宣白又鈍發遣又疎寫染又拙覺時事事無能方始自悔而歸咎於其師何謂至感初年脫白從師師長訓導極其嚴緊於公事畢然後敢治私事禁妄出讀書要背寫字要楷義理要通道念要正日漸月磨復還固有之天得造洞然之妙由是性海清澄心珠瑩徹學仙者著脚蓬萊學佛者安身樂國到恁麼時却感師長嚴訓之功也

月窟清禪師訓童行

我七

五

咨爾童行聽予誠云高以下基洪由纖起古今賢聖莫不由斯儒宗頗多釋氏尤甚茲不繁引略舉二三虞夏至尊尚曾歷試可能二祖猶服勤勞一念因真千生果實若其濫服終無所成任是毀形徒增黑業爾等童輩今

各願誠履實踐真無隨流俗處清淨地生難遭心見佛逢僧克勤故慕如能反責可謂丈夫施主交肩宜先祇揖同衣相見莫後和南夕火晨香常常勿懈齋食番粥念念興慚當直殿堂供過寮舍宜勤拂拭無怠應承進止

威儀上流是則言默要道下輩休詢貝葉固合精通墳典尤宜博學稍知今古方解爲人若似啞羊出家何益如來未成佛果文武無能永嘉才作人師宗說俱備晞顏睇驥子雲有言誦纂誦茗釋尊無誤各須努力莫謾因

循立志堅高不墮凡地故經云立志如高山
種德若深海如斯苦口期汝爲人報答佛祖
莫大恩拔濟衆生無量苦日日如是不愧自
心頌曰

負春刻草示嘉模紹續須還猛烈徒一念豁

然三際斷單傳直下老臘胡

山谷居士黃太史發願文

昔者師子王白淨法爲身勝義空谷中奮迅
及哮吼念弓明利箭被以慈哀甲忍力不動
搖直破魔王軍三昧常娛樂甘露爲美食解
脫味爲漿遊戲於三乘安住一切智轉無上
法輪我今稱揚稱性實語以身口意籌量觀
察如實懺悔我從昔來因癡有愛飲酒食肉
增長愛渴入邪見林不得解脫今者對佛發
大誓願願從今日盡未來世不復淫欲願從

我七

今日盡未來世不復飲酒願從今日盡未來
世不復食肉設復淫欲當墮地獄住火坑中
經無量劫一切衆生爲淫亂故應受苦報我
皆代受設復飲酒當墮地獄飲洋銅汁經無
量劫一切衆生爲酒顛倒應受苦報我皆代
受設復食肉當墮地獄吞熱鐵丸經無量劫
願我以此盡未來際忍事誓願根塵清淨具
足十忍不由他教入一切智隨順如來於無
盡衆生界中現作佛事恭惟十方洞徹萬德
莊嚴於刹刹塵塵爲我作證設經歌羅羅身
忘失本願惟垂加被開我迷雲稽首如空等
一痛切

雲峰悅和尚小參語湖隱石刻

師舉百丈和尚示衆云汝者一隊後生經律
論學故是不知也入衆參禪禪又不會臘月

三十日作麼生折合去師云酌然諸上座去聖時遙人心淡薄看却今之叢林更是不得也所在之處聚徒三百五百浩浩地只以飲食豐厚寮舍溫暖便爲旺化其間孜孜爲道者能有幾人設有十箇五箇走上走下半青

我七

七

半黃總道我會了也各各自謂惺靈蛇之寶

孰肯知非及乎編辟挨拶將來直是萬中無一苦哉苦哉所謂般若叢林歲歲凋無明荒草年年長就中今時後生纔入衆來便乃端然拱手受他別人供養到處菜不擇一莖紫

不撇一束十指不沾水百事不干懷雖則一期快樂爭柰三室累身豈不見教中道寧以熱鐵纏身不受信心人衣寧以洋銅灌口不受信心人食上座若是去直饒變大地作黃金攬長河爲酥酪供養上座不爲分外若也

未是至於滴水寸絲便須披毛戴角牽犧拽杷償他始得又不見祖師云入道不通理復身還信施長者八十其樹不生耳終不虛也諸上座光陰可惜時不待人莫待一朝眼光落地綑田無一簣之功鐵圍隔百刑之痛

莫言不道珍重

月林觀和尚體道銘

上士參玄人光陰莫虛棄渡江須用船爲人須有志名相各不同非一亦非二佛法苦無多於中無別伎動着關捩子非師自然智徹

底老婆心觸人無忌諱刹境一毫端到此無回避唱起德山歌道者合如是佛祖出頭來吞聲須飲氣作略者些兒古今無變異混沌未分時早有箇田契人人本具足不肯回頭視箇箇達本鄉切忌著名位過去諸如來不

離而今喫現在諸菩薩轉次而受記智者暗點頭心空親及第愚人不信受拋家自逃逝哀哉猛省來現成真活計箇裏用無窮宗門第一義左右逢其原亦不離行市銅頭鐵額兒腦門須着也願以此功德普及於一切

慈受深禪師小參

此心清淨猶如虛空無一點相貌舉心動念全乖法體纔退步便相應只是不肯退步纔放下便安樂只是不肯放下大都是無始劫來慣習成了也古人學道先打當貪嗔癡然後放教一切處冷啾啾地如臘月裏扇子相似直是無人觀着亡得名利甘得淡薄世間心輕微道念自然濃厚匾櫈山和尚一生捨椽子煮喫永嘉大師不喫饅頭下菜高僧惠休三十年着一衲鞋百補千綴遇軟地行則

戊七

八

赤脚恐損他信施信心物難消他總是妻子口中減削将来供養你了便要邀福懺罪你十二時中種種受用盡出他人之力未饑而食未寒而衣未垢而浴未困而眠道眼未明心漏未盡如何消得故古德云爲成道業施

将来道業未成爭消得山僧者裏不可與你諸人打粥飯過日也若是坐消信施諸天不喜簞茶淡飯也難消他底如今初學比丘飽食高眠取性過日猶嫌不稱意在出家人如一塊磨刀石一切人要刀快便來你石上磨

戊七

九

張三也來磨李四也來磨磨來磨去別人家快自家石漸消薄有底更嫌他人不來我石上磨有甚便宜處進食如進毒受施如受箭幣厚言甘道人所畏你灼然與道相應萬兩黃金亦消得此事不是說了便休須是實到

者箇田地始得高談大論瞞人自瞞大不濟事如今叢林中無人說着者般話也莫道焦山長老說禪全無孔竅記取記取伏惟珍重

汾州大達無業國師上堂

有僧問曰十二分教流于此土得道果者非

止一二云何祖師東化別唱玄宗直指人心見性成佛豈得世尊說法有所未盡只如上代諸德高僧並學貫九流洞明三藏生肇融叢盡是神異間生豈得不知佛法遠近某甲庸昧願師指示師曰諸佛不曾出世亦無一

法與人但隨病施方遂有十二分教如將密果換苦葫蘆淘汝諸人業根都無實事神通變化及百千三昧門化彼天魔外道福智二嚴爲破執有滯空之見若不會道及祖師來意論甚麼生肇融叢如今天下解禪解道如

河沙數說佛說心有百千萬億纖塵不去未免輪迴思念不亡盡從沈墮如斯之類尚不能自識業果妄言自利利他自謂上流並他先德但言觸目無非佛事舉足皆是道場原其所習不如一箇五戒十善凡夫觀其發言

嫌他二乘十地菩薩且醍醐上味爲世珍奇遇斯等人翻成毒藥南山尚自不許呼爲大乘學語之流爭鋒唇舌之間鼓論不形之事並他先德誠實苦哉只如野逸高士尚解枕石漱流棄其利祿亦有安國理民之謀徵而不赴况我禪宗途路且別看他古德道人得意之後茆茨石室向折脚鎗子裏煮飯喫過三十二年名利不干懷財寶不爲念大忘人世隱迹岩叢君王命而不來諸侯請而不赴豈同我輩貪名愛利汨汲世途如短販人

有少希求而忘大果十地諸賢豈不通佛理
可不如一箇博地凡夫實無此理他說法如
雲如雨猶被佛訶云見性如隔羅縠只爲情
存聖量見在果因未能逾越聖情過諸影迹
先賢古德碩學高人博達古今洞明教網蓋

我七

+

爲識學詮文水乳難辨不自理念靜求真
嗟乎得人身者如爪甲上土失人身者如大
地土良可傷哉設有悟理之者有一知一解
不知是悟中之則入理之門便謂永出世利
巡山傍澗輕忽上流致使心漏不盡理地不

得将来他心慧眼觀之如喫膿血一般總須
償他始得阿那箇有道果自然招得他信施
來不受者學般若菩薩不得自謾如冰凌上
行似劍刃上走臨終之時一毫凡聖情量不
盡纏塵思念未忘隨念受生輕重五陰向驢
胎馬腹裏託質泥犁鍛湯裏煮煤一徧了從
前記持憶想見解智慧都盧一時失却依前
再爲螻蟻從頭又作蚊蟲雖是善因而遭惡
果且圖甚麼兄弟只爲貪欲成性二十五有
向脚跟下繫着無成辦之期祖師觀此土衆
生有大乘根性惟傳心印指示迷情得之者
即不揀凡之與聖愚之與智且多虛不如少
實大丈夫見如今直下便休歇去頓息萬緣
越生死流迥出常格靈光獨照物累不拘巍
巍堂堂三界獨步何必身長丈六紫磨金輝

我七

十一

項佩圓光廣長舌相若以色見我是行邪道設有眷屬莊嚴不求自得山河大地不礙眼光得大總持一聞千悟都不希求一食之直汝等諸人倘不如是祖師來至此土非常有損有益有益者百千人中撈漉一箇半箇堪

爲法器有損者如前已明從他依三乘教法修行不妨却得四果三賢有進修之分所以先德云了那業障本來空未了還須償宿債

傳燈

法昌遇禪師小叅

大凡參學兄弟道眼未明心地未安入一叢林出一保社須當親近良朋善友二六時中將佛法爲事直須決擇令心眼精明者箇不是小事光陰易失時不待人一失人身卒未有出頭處在莫與麼打閑過時今日三明日

贊嘆你盡不是好心一朝風火解散眼光落地善惡業緣受報好醜生死境界一時現前那時便如落湯螃蟹手忙腳亂從前學得活計神通佛法總使不着業識茫茫無本可據追悔不及隨緣受報改頭換面都未可定豈不見古者道學般若菩薩且莫自瞞切須子細纖毫不盡未免輪迴絲念未忘盡從沈墮你要識拔毛戴角底麼便是你尋常亂作主宰者是你要識拔舌地獄底麼便是誑惑迷途者是你要識寒冰鑊湯底麼便是你濫膺

信施者是三塗八難盡是你心自作只爲道
眼不明方乃如是若是諦當底人豈有者般
消息法昌與麼說話盡是契合諸聖不獨爲
你三兄四弟但未得忍菩薩皆有此過豈況
天龍八部既來者裏經冬過夏莫生容易老

我七

十三

僧鑊頭邊討飯供養你說些子出家話莫被
人我夯却一生空過一旦四大分張船時作
伎倆遲了也有一般漢聞人舉着他肚裏事
嗔心忿起便道佛法豈有與麼事大悟不拘
小節更問呵誰我問你悟見箇甚麼還脫得
毒藥你要得他日相應但從今日去一切處

放教枯淡二六時中對五欲八風如盲人視
物不爲諸法管帶亦不管帶諸法六根門頭
檢點無絲毫過患方有少許趣向分法昌與
麼說話如眼暝眩底藥相似一期苦口他時
大有得力處所以道假使百千劫所作業不

忘因緣會遇時果報還自受無人替代各自

努力珍重語錄

古鏡和尚回汾陽太守

南陽忠國師三詔竟不赴遂使唐肅宗愈重
於佛祖然我望南陽雲泥雖異路回首思古

人媿汗下如雨如何汾陽侯視我如泥土戲
以玉峰寺出帖請權住豈可爲一身法門同
妄語底祖師麼大似將牛屎比栴檀有甚交
涉可謂醍醐上味爲世所珍遇斯等人翻成
無以報朝夕香一炷

雪竇明覺禪師壁間遺文石刻

夫傳持祖燈嗣續佛壽此非小任宜景前修
肅爾威儀尊其瞻視懲忿窒慾治氣養心無
以名利動於情無以得失介於意無隨世之
上下無逐人之是非黑白置之於胷喜怒不

我七

十四

形於色樂人之樂猶已之樂憂人之憂若已
之憂容衆尊賢克己復禮無因小隙失素所
善無背公義棄素所踈能不可矜勢不可恃
無護已短無掩人長見德不可忘身在貴不
可忘賤且夫學本修性豈愴人之不知道貴

食內無所慚外無所恤或若聲華溢美利養
豐多畏四趣之果因慎三寶之交互死生未
脫業苦難逃方其得志亟思利正身如行廁
利稱軟賊百年非久三界無安可惜寸陰當
求解脫古先諸祖舉有懿範杖錫一味喫土
丹霞只箇布裘趙州青灰滿首朗師編草爲
氈或深禪久修或優詔不就大都約則勘失
奢則招譏謙則有光退則無忌去佛愈遠行
道有艱觀時進止無自辱也

范蜀公送圓悟禪師行脚

我七

十五

全生無斲世之爲用人或慕義理固推餘必
也篤爾心誠誨以規矩博援羣籍深示妙宗
慈室忍永不可須臾而離大方寶所欲其造
次必是動息有常嫌疑必慎人不可侮天不
可欺衆之去來無追無拒人之毀譽無恚無

觀水莫觀汚池水污池之水魚鱉卑登山莫
登迤邐山迤邐之山草木稀觀水須觀滄溟
廣登山須登泰山上所得不淺所見高工夫
用盡非徒勞南方幸有選佛地好向其中窮
妙旨他年成器整頽綱不負男兒出家志大

丈夫休擬議。豈爲虛名滅身計。百年隨分覺。
無多莫被光陰暗添歲。成都况是繁華國。
打住只因花酒惑吾師。幸是出家兒。肯隨齷齪。
同埋沒吾師。幸有虹蜺志。何事躡躇溺泥水。
豈不見吞舟之魚。不隱卑流合抱之木。不生

丹丘。大鵬一展九萬里。豈同春岸飛沙鷗。何
如急駕千里驥。莫學鷄鶴戀一枝。直饒講得

千經論也。落禪家第二機。白雲長是戀高臺。
莫罩朝籠不暫開。爲慰蒼生霖雨望。等閑依
舊出山來。又不見荆山有玉名。瑣瑤良工未

遇居蓬蒿。當時若不離荆楚。爭得連城價。倍
高。

保寧勇禪師示看經

夫看經之法。後學須知。當淨三業。若三業無
虧。則百福俱集。三業者身口意也。一端身正

非小緣心法。雙忘自他俱利。若能如是真報
佛恩。

大智照律師送衣鉢與圓照本禪師書。
某年月日比丘元照謹裁書獻于淨慈圓照
禪師元照早嘗學律。知佛制比丘必備三衣。

我七

十六

一鉢坐具。灑囊是爲六物。上中下根制令遵
奉。故從其門者不可輒違。違之則抵逆上訓。
非所謂師資之道也。三衣者何一曰僧伽梨。
謂之大衣。入聚應供登座說法。則着之。二曰
鬱多羅僧。謂之中衣。隨衆禮誦入堂受食。則

坐如對尊顏。則身業淨也。二口無雜言。斷諸
嬉笑。則口業淨也。三意不散亂。屏息萬緣。則
意業淨也。內心既寂。外境俱捐。方契悟於真
源。庶研窮於法理。可謂水澄珠瑩。雲散月明。
義海湧於胷襟。智嶽凝於耳目。輒莫容易實

着之三曰安陀會謂之下衣道路往來寺中作務則着之是三種衣必以粗疎麻苧爲其體青黑木蘭染其色三肘五肘爲其量裂碎還縫所以息貪情也條葉分明所以示福田也言其相則三乘聖賢而同式論其名則九

十六道所未聞敘其功則人得免凶危之憂龍被逃金翅之難備存諸大藏未可以卒舉也一鉢者具云鉢多羅此云應器錢瓦二物體如法也煙熏青翠色如法也三斗斗半量如法也蓋是諸佛之標識而非廊廟之器用

矣昔者迦葉如來授我釋迦本師智論所謂十三條粗布僧伽梨是也洎至垂滅遺飲光尊者持之於雞足山以待彌勒有以見佛佛之所尊也祖師西至六代相付表嗣法之有自此又祖祖之所尚也今有講下僧在原奉

持制物有年數矣近以病卒將啓手足囑令以衣鉢坐具奉于禪師實以賴其慈蔭資其宴路故也恭惟禪師道邁前修德歸庶物黑白蟻慕遜邇雲奔天下叢林莫如斯盛竊謂事因時舉道假人弘果蒙贊屈高明俯從下

意許容納受特爲奉持如是則大聖之嚴制可行諸祖之餘風未墜謹遣僧齋不鉢共五事修書以道其意可否間惟禪師裁之不宣

準薩婆多中三衣長五肘廣三肘每肘一尺八寸準姬周尺長九尺廣五尺四十

釋門登科記序

三代僧史十科取人讀誦一門功業尤重皇朝著令帝王誕辰天下度僧用延聖祚尊崇吾教宣布真風自古皆然於茲尤盛方今州縣淨侍寔繁每歲選人必量經業開場考試合格精通公榜星羅獎平生之勤苦綸恩露

陞許畢世以安閒外被田衣內懷戒寶爲法王子作人天師不事耕桑端受信施棲心物外旅泊寰中釋子之榮豈復過此近世出俗多無正因反欲他營不崇本業唯圖進納濫預法流或倚侍宗親或督迫師長至有巡街打化袖疏干求送惠追陪強顏趨謁頻遭毀

辱備歷艱辛爲者百千成無數十豈信有榮身良策安樂法門斯由當本昧出家心抑亦爲人無丈夫志况蓮華妙典鷲領極談大事因緣開佛知見是諸佛降靈本致實羣生悟入津途無量國中不知名字幸而聞見那不誦持豈獨孤恩誠爲忘本奉勉未度者宜加精至早與變通已達者莫廢溫尋終爲道業百金供施實亦能消四輩贍依諒無慚德幻軀有盡實行不亡故有舌相繫若紅渠身骨

碎如珠顆具書傳錄識者備聞况般若有經耳之緣法華校隨喜之福幸依聖訓勿棄時陰近期於削髮爲僧遠異於破魔成佛若能如此夫復何言所患爲僧不應於十科事佛徒消於百載古賢深誠寧不動心哉

顏侍郎答雲行人書

近辱書誨且以禪教之說見教讀之深有開慰而向來亦嘗有所開示適以多事不能與師周旋今復有言自非見愛之深孰能以此相警顧我愚昧何足知之然師所言者余竊疑焉於如來方便之道似執一偏猶有人我之見以我爲是以人爲非於佛法中是爲大病人我不除妄談優劣只爲戲論爭之不已遂成謗法未獲妙果先招惡報不可不慎但能於先佛一方便門精進修行行滿功圓自

然超脫不必執我者爲是以餘爲非也修行淨土佛及菩薩皆所稱嘆在家出家往生非一况今末法之中修此門者可謂捷徑然於是中間亦須洗去根塵摧折我慢於其他種種法門雖非正修行路隨力隨分亦加欽信

我七

十九

豈可妄論優劣自爲高下達磨西來不立文字直傳心印一花五葉自曹溪來悟此法者如稻麻竹葦在李唐時世主尊崇如事師長以至于今師授不絕特未可以優劣議也若必欲引教家義目定其造證謂如是修者方入某地如是行者方登某位真所謂描畫虛空徒自勞耳故經云如人數他寶自無半錢分於法不修行多聞亦如是願師屏去知見勿論其他專心自修於淨業也某每與師談見師多斥不立文字之說使此說非善則達

磨必不西來二祖必不肯斷臂求之也今禪家文字徧滿天下此乃末流自然至此何足恠耶娑婆世界衆生知見種種差別非可以一法而得出離故佛以方便設種種法門使其東西南北縱橫小大皆可修行皆可證入華嚴會上文殊師利蓋嘗問於覺首言心性是一云何見有種種差別問於德首言如來所悟惟是一法云何乃說無量諸法問於智首言於佛法中智爲上首如來何故或讚布施或讚持戒或讚堪忍以至或復讚嘆慈悲喜捨終無有以一法而得出離者咸有頌答是師之朝夕所誦者也斯理必深明之夫受病既殊處方亦異今以手足之疾服某藥而愈他人病在腹心而責其不進手足之藥乃以治腹心之劑爲非可乎楞嚴會中二十五

行獨推觀音豈可便優觀音而劣諸菩薩神
仙外道於我法中皆爲邪見然華嚴知識或
在外道或爲人王或爲淫女引導衆生若以
正修行者爲是則善財所參勝熱婆須蜜女
無厭足王等皆可指爲非也千經萬論止爲

我七

干

衆生除病病去藥除何須無病而自灸此心

垢重故修淨因淨垢若亡復何修證三界無
住何處求心四大本空佛依何住衣中之寶
只爲衣纏衣若壞亡珠當自現聊敘鄙見以
復來誨或別有可教者更垂一言幸甚慎勿

支離蔓衍以成戲論也邇來四大輕安否所
苦不下食今復差退否某隨緣過日只求無
事耳未間千萬珍重

陳提刑貴謙答真侍郎德秀書嘗奉月林鐵
報諸大老
承下問禪門事仰見虛懷樂善之意顧淺陋

何足以辱此然敢不以管見陳白所謂話頭
合看與否以其觀之初無定說若能一念無
生全體是佛何處別有話頭只緣多生習氣
背覺合塵剎那之間念念起滅如猴猿拾粟
相似佛祖不得已權設方便令咬嚼一箇無

滋味話頭意識有所不行將蜜果換苦葫蘆
淘汝業識都無實義亦如國家兵器不得已
而用之今時學者却於話頭上強生穿鑿或
至逐箇解說以當事業遠之遠矣稜道者二
十年坐破七箇蒲團只管看驢事未去馬事

我七

壬

到來因捲簾大悟所謂八萬四千關捩子只
消一箇鎖匙開豈在多言也來教未誦佛之
言存佛之心行佛之行久須有得處如此
行履固不失爲一世之賢者然禪門一着又
須見徹自己本地風光方爲究竟此事雖人

人本有但爲客塵妄想所覆若不痛加煅煉終不明淨圓覺經云譬言如銷金鑽金非銷固有雖復本来金終以銷成就蓋謂此也來教又謂道若不在言語文字上諸佛諸祖何謂留許多經論在世經是佛言禪是佛心初無

違背但世人尋言逐句沒溺教網不知有自己一段光明大事故達磨西來不立文字直指人心見性成佛謂之教外別傳非是教外別是一箇道理只要明了此心不着教相今若只誦佛語而不會歸自己如人數他珍寶

自無半錢分又如破布裏珍珠出門還漏却縱使於中得少滋味猶是法愛之見本分上事所謂金屑雖貴落眼成翳直須打併一切淨盡方有少分相應也某向來雖不閱大藏經然華嚴楞嚴圓覺維摩等經誦之亦稍熟

矣其他如傳燈諸老語錄壽禪師宗鏡錄皆玩味數十年間方在屋裏著到却無暇看經論也楞伽雖是達磨心宗亦以句讀難通不曾深究要知吾人皆是誠心非彼世俗自瞞以資談柄而已姑以呂用驗之雖無濁惡粗

過然於一切善惡逆順境界上果能照破不爲他所移換否夜睡中夢覺一如否恐怖顛倒否疾病而能作得主否若目前猶有境在則夢寐未免顛倒夢寐既顛倒疾病必不能作得主宰疾病既作主宰不得則生死岸頭

我七

王三

必不自在所謂如人飲水冷暖自知待制舍人於功名鼎盛之時清修寡欲留神此道可謂火中蓮華矣古人有言此大丈夫事非將相之所能爲也又云直欲高高峰頂立深深海底行更欲深窮遠到直到不疑之地來教

謂無下手處只此無下手處正是得力處如
前書所言靜處鬧處皆着一隻眼看是什麼
道理久久純熟自無靜鬧之異其或雜亂紛
飛起滅不停却舉一則公案與之廝捱則起
滅之心自然頓息照與照者同時寂滅即是

到家也某亦學焉而未至也姑盡吐露如此
不必他示恐有儒釋不侔者必大恠之待制
舍人他日心眼開明亦必大笑而罵之

緇門警訓卷第七

音釋

橡薛兩切
相實也 紗假一頭也 漱所又思候二
切盪也

燂弋涉丑涉
切綸也